

## Transkription von Urkunde SAW 1397a

Ort, Datierung: Salzwedel, 1397-06-14

Signatur: Stadtarchiv Salzwedel, VI/18

Inhalt: Hinrik Hartwighes: Mietvereinbarung

---

Ik her Hinr(ik) hartwighes prýster Bekenne apenba(r)e vn(de) Betughe in desseme brýue dat ýk / mýt mýnem vrýgen guden wyllen ghewýlkoret hebbe vn(de) wýlkore in desseme sulue(n) brýue / dem rade in der olden stad zoltw(edel) to gheuende eýn pünt zoltw(edlescher) pe(n)nýnghe alle Jarlykes in / sunte galle(n) daghe alle de wýle dat yk leue dar v(m)me dat se mý mýnen hof stande bý den / Baruote(n) brode(re)n to zoltw(edel) mýt siner to behoringhe ghevryget hebbe(n) alle de wýle dat yk / leue oder den hof hebbe van aller stad pleghe vn(de) rechticheýt vnd(e) dat se mý ghenome(n) heb/ben in ere beschermýnghe mýnes gudes býnne(n) der stad zoltw(edel) vn(de) dar bute(n) mýn gud to / beschermende vn(de) to vordedinghende lyk eren borghere(n) wor se dat enden ku(n)nen vn(de) vormoghe(n) / we(r)t auer dat yk den vorscr(euenen) mýne(n) hof vorkofte oder v(m)me eýn ander ghesete buthede eder / anders weme byte we denne den vorscr(euenen) hof kreghe de schal dar van dun der stad vn(de) dem / rade alle stad pleghe vn(de) rechticheýd . auer watte ghesete yk weder kofte oder vor den hof / kreghe des scholde yk vrý bruken aller stad pleghe vn(de) rechticheýd to den týden mýnes leue(n) / des sunder dat pünt zoltw(edelscher) pe(n)nýnghe alle Jarlykes deme rade jo to gheuende alse vorscreuen / ys . to Bekantnisse dess(er) vorscr(euenen) stücke hebbe ýk her Hinr(ik) hartwighes vorghenomet mýn inghe/seghe(h)l henghet an dessen brýf Gheue(n) na godes Bort druttheýn hundert Jar in dem soûen / vn(de) neghenteghýsten Jare in sunte vitus auende m(er)rtir(ij) , , /